



اعتصام

۲ ذی القعدة سنه ۱۳۳۷

۳۱ ثور سنه ۱۳۳۵

{ منافع عامه دارم مجموعه اسلامیه در }

نصایح قرآنیہ

عمر نصوحی

جاہلیت دورندہ کہ کی علمبر وار ایدی ؟

ظاہر انولوی

تربیت دینیہ

م . ناجی

ہام اسلام و خلافتک قدسیتی

حافظ محمد امین

مغفل بر سراہک آجی خاطراتی

مسلم زادہ

غزل

محی الدین

مہم بر اُترک ترجمہ سی

م . فیضی

محل ادارہ : فاتح - اعتصام

فیثانی (ہ) شہوشدر

۱۳۳۴

آلام واکارینی دفع و تبدیله سعی ایتمین قرابت اصحابی مقتضای فطرته مخالفه
حرکت ایتمش اوله جعفرلندن مزیت انسانیه دن تجرد ایتمش عد اولنورلر .
مابعدی وار

فتح دوسه املرندن : عمر نصوحی

جاهلیت دورنده نه کی علملر واردی ؟

ما بعد :

ینه جاهلیت علومندن بریده (علم طب) ایدی که علی قول عربلره کلدانیلردن
انتقال ایتمش و اونلر طرفندن بعض تجارب نشائجك علاوه سبله توسیع اولونمشدی .
جاهلیت طبباتی ، علی الا کثر کاهنلر طرفندن اجرا ایدایلر ، خسته لر یا او قویوب
او فورمکه ، یا خود علاج و یرمکه و یا خود جراحی عملیات با مقله تداوی قیلینیردی .
کاهن اولمایان طیبیلرده واردی که - حضرت ابو بکرله بر کونده وفات ایدن -
(حارث بن کلد) ایله بدرده اسیر و یولده قتل ایدیلان (نصر بن حارث) بونلردن
ایدی . اصول تداوی به کلینجه : بال و سناه کی کی شیلردن عبارت مسهلان و یرمک .
ایجابنده قان آلوب لزوم کورولدیکي تقدیرده داغلاقی ایدی . قطعی لازم کان بر
عضوی آتشدن قیزدیریش بیخچه کسرلر ، حربده کسلان بر عضوی قیزغین زیتون
یاغیله داغلا یوب قانی کسدرلرله جریحه افاق اولورسه حصیری یا قوب کوانی
باصدیرمق صورتیله دم سالی دیندیرلردی .

عربلرک بدوی کروهی بیله سرایت مرضی بیلیر و چیچک کی ساری خسته لنه
مبتلا اولانلرک یانندن قاچاردی . مع مافیه بعض صاچا فکرلریده واردی . از جمله :
و بالی بر یرم کیره جکلری وقت اشک کی ظیلامق و اوستلرنده بر طاوشانک طوبوق
کیکیکی بولوندورمقله معافیت قازاناجکلری و هم ایدرلردی . سیلان صوقش بر آدمی
اویوتناق ایچین اوستنه ، باشنه مزینات وزلار طقارلردی . چونکه : اویورسه

زهر، وجودیسه سریان ایدر ظنده بولونورلردی . کذا بر ده و نه ک بورنسنده
بر یارانک ای اولماسی ایچین باشقه و صاغلام بر ده و بی طوتوب داغلارلردی . بر
شیئدن قورقان بر قادینه یوره کی صوغومش دییه صیجاق سو ایچیرلردی چوجو-
قلرک چوروك دیغلرینی کونشه طوغرو آتارلر و بو حرکتله یکی دیشک صاغلام
و منتظم جیقا جقنی ظن ایدرلردی .

شریعت مطهره ؛ انسانلره لزوم اشدی بولونان علم طبی تأییدو (کاوا و اشربوا
ولا تسرفوا) یعنی ؛ یسکیز ، ایچیکیز و اسراف ایتمیکیز ، امریله اکل و شربده
اعتدالی توصیه ایدرلرک طبک قایه سی بولونان صحتک اساسی تعلیم ایله دی . مسلمانلره
آبدست و غسل ایله نظافتی ، بش وقت نماز ایله ریاضت بدنی ، رمضان اوروجی
ایله سنه ده بر آی اولسون . معدنک دیکله ندیر یله سنی ، حج سفر یله ده تبدیل هوا
ایدیلمسی اوکرمه دی . اهل ایمانی مسکرات قوللانمقدن منع ایله دام الکئوله اوغرا-
مقدن و دوموز آتی بیکدن نهی ایله (تیریشین) علتنه طوتولمقدن قورتاردی .

بی شفیق افندیغز ؛ خسته لرک عیادته کیدر ، حاللرینی ، خاطرلرینی صوروب
« لا باس ظهور ان شاء الله » دیر و آغاجلرک یا بر اقلری دوکولدیکی کی خسته لرک
کناهلری ده دوکوله جکنی سوبله مکله مرضانی تسلیه ایدرلردی .

خسته ؛ تداویدن زیاده تسلیته محتاج ایسه وجودینی مسح ایله « اذهب البأس
رب الناس اشف وانت الشافی لاشفاء الاشفاءك شفاء لا یغادر سقماً » دییه دعا ایدرله
علی الا کثر معوذتین سورهلری اوقویوب اوفرلر و آبدست آلدینی سودن مرضیه
ایچیرلردی . علاجله تداویمی لازم کلپورسه خسته لک نوعه و درجه نه کوره او
وقت معلوم و نافع اولان دوا لردن بریخی صاغلای و بریر ، مرض اهمیتلی ایسه
خسته نک حکیمه کو-تریلمسی توصیه ایلرلردی . نیته کیم حجه الوداع اتانسانده خسته لا-
نمش اولان (سعدین ابی وقاص) ایچین طیب (حارث بن کله) نک چغیر یلماسی
امر ایله مش و حارثه خطاباً ، طالج - سعداً ممایه ، یعنی « سعیدی مبتلا اولدیغی
خسته لقدن تدای ایت » بو بومر مشدی ده کندییی علاج توصیه ایتمه مشدی .
چونکه : ذات اقدس پیغمبری طیب مداوی دکلدی مع مافیہ بوکون معنا اولان

سرایت مرشدن توفی و قاراتینه اصولارینک اساسی وضع ایله مش وشو حدینلرک احکامنه رعایتی امت مرحومه به امر بویورمشدر :

• فرمن المجذوم کافر من الاسده یعنی آرسلاندن قاجدینک کبی جذاملیدن ده قاج .
• لاتوردو المعرض علی المصحح ، یعنی : خسته لقی بر آدمی صحیح الوجود برینک یانه کتیرمه یکز .

• اذا سمعتم بالطاعون بارض فلا تدخلوها واذا وقع بارض وانتم بها فلا تخرجوا منها ، یعنی : بربرده طاعون اولدینی ایشدیرسه کنز اورایه کیرمه یکز ، بولوندیغکنز برده ظهور ایده رسه اورادنه چیقما یکز .
طاهر المولی

تربیه دینه

طالع ، هئت اجتماعیه نك الك مهم مرکزنی تشکیل ایدر . بو مناسبتله هر طالع رئیس و رئیس سی اوزرینه میدان کله جک مبنی مبنی یاورولره ملی ، اخلاقی برتریه و هرملری بورج اولدینی قادیان تربیه دینه نك او کورپه دماغلره — بردها چیقما .
مق شرطله — متین بر صورتده تلمین ایدلمی شدنله الزمدر . اسکیدن بو نقطه به فوق العاده دقت و احتمام نتیجه سنده کنیجره صاغلام بر عقیده دینه و پرپله بیلبردی .
فقط باواش باواش بو جهتده هر خصوصده کوستردیکمز لاقیدلک دولایسیله احوال ایدلمک باشلادی . . اولرنده ناقص بر تربیه ايله یتیشدن چوجقلر ، مکتب محیطنه آتیلدقلری زمان اولجه کوردکارینه ده اونونماق مجبوریتنده قابولرلر . هله صوک صنفلره دوشرو بو تمامیه متروک بر حاله کلپور . تدقیقات عمیق نتیجه سنده ، ایلمک سنه لرده عنیده سی متین چوجقلر تدریجی بر صورتده اطرافنده کوردیکی لاقیدلک حسیله ، دینی تربیه سنی غائب ایتیمک باشلادی مشاهده ایدیلپور . . آرتاق بوندن صوگرا دینسزلك طبیعی بر شکله کیرمش بولونیور .

زده هر شی اولدینی وجهله ، مکتبلرک وظائفی ده پک یا کلش آکلاشیلمش .